

香

宇

集

香宇續集

丁巳稿

吳越間田藝衡撰

詩

元日即事

曉來雲物喜冲融第一梅花是信風
葦索柳車兒有事蓼盤柏酒婦能同
衡茅見曉重安席海樹凌霄欲挂弓
分日遨遊情自好郊居惟此答春工

二日遊南湖望鳳凰諸山積雪有懷

漸覺春歸湖上亭平堤草色頓青青
故人家住寒塘曲門對南山霽雪屏

卷五
三日蔣子久過訪別去遂獨遊品崑

留君不住獨登山三日重來已隔年竹亞崑扉擎臘
雪茶烹石鉞試春泉欲逃塵世終狂狷悔別心朋只
醉眠手把秦蘅何處種溪邊幸有賣花田

詔下采芝有感

僊藥非凡品天書降玉墀特馳玄岳使遍訪紫微芝
聖壽曾何極神丹詎足裨臣心慚寸草無以報春熙
宿雲居寺贈溟老禪師

高吟雲居雪遙尋竹院僧貌肥知勝臘心覺類消冰
春入龍辭鉢更殘鼠弄燈何由憑慧力終得度三能

西湖見梅花一株盛開

湖頭風日暖一樹忽先春無復孤山客清標共絕塵
阮夫子拜副都兼白金綵幣之賜喜呈

轅門旌旆起雄風鉦鼓高催海日紅禹貢即今朝王
帛周詩應已賦彤弓好生德博青陽令下士恩深赤
烏公擬向淮西重獻雅不材何以贊玄功

人日

七日喜逢晴開尊更有情人宜金鏤勝菜簇玉絲羹
樂事田園僻安居海甸清杜陵春興早不憚路難行

子美人日詩早春重引江
湖興直道無憂行路難

焚香

金爐宿火醒香螺翦翦東風氣漸和翠縷繞花飛不
去一聲啼鳥出烟蘿

篆紋凝作綠雲窩鼻觀濃薰卻睡魔心事瑩然無住
著五千文字已嫌多

忽聞飛詔下鑾坡特采龍涎養太和此際春雷將起

蟄應畱餘沫在山阿

時詔采龍
涎香品

甘松蘇合近如何沈寔無傷麝忌多笑殺洛陽老香
尉不畱一炷伴詩魔

中酒

狂夫飲酒如飲水主人眼熱聊復爾枕銚席疊渾欲
死頭重如山扶不起中酒滋味誰能知隔窓但聞春
鳥啼此病無藥不用醫滿拚睡到日搓西

酒所二弟爲余石鼎煮茶

石鼎尤宜試雪天不辭山舍汲春泉老兄泥醉唇方
渴令弟鴟蹲手自煎量有盧仝夸諫議術如陸羽即
神僊元宵屈指清明近新火新茶味更便

謝柯僉憲

蘄久困棘圍已銳意請息而我公不弃舊雅
爰指庭梅以相喻謂榮枯遲速自有時焉蓋

深致勸誨之意也感而有呈

不材猶有故人憐論到梅花意惘然自分雪霜同歲
晚安知草木得春先通家一見情如海大夢初醒月
在天抱藝忍看重淚落吹噓誰肯薦甘泉

元宵與子玟對月

火樹星毬自一村齊眉能伴立黃昏春醪歛灑搖華
燭霽月團圞下小軒元夜忽看荷葉影中秋曾記桂
花痕

諺云八月十五有明星正月十五有紅燈是夜月中刻闌干桂樹痕爲記

海濱且幸

烽烟息舉案何辭罄瓦盆

十七日雲居寺對雨

五夜好燈三夜雨四年烈火六年兵歌聲不到空門裏暗對山僧數太平

山中見梅花

去年梅花開山中春未立今春一月餘梅蕊尚棼粒
竹外一枝橫孤高邈難及東風落寒香況有宿雨裊
蜂蝶猶未知禽鳥不敢集竹本夷齊操梅非兒女習
若以天喬求渺然失階級古人拜石友爲爾且長揖
我結塵外鄰茅屋此中葺息心謝紛華山居還各汲
飲看松山房

古來賢達者願作酒家陶狂夢終如醉枯禪不用逃

松風吹欲醒山月坐還高到處饒酤債羞言待後豪
柯僉憲正之枉駕見過遇雨晚歸

郊外驚傳憲節來春風重向野堂開廿年兄弟勞三
顧萬里雲泥媿一杯繡斧直馳多雨露海門不鎖淨
氛埃使星此去台星接尚有餘光被草萊

桂膏

去秋采丹桂花搗而爲膏和以糖霜裹以青
箬焙而藏之香色妙絕經歲不變誠山居雅
品也舊無此名亦無此詠當知好事始于品
品主人也

丹桂月輪高佳人摘亦勞清霜春玉杵絳雪點金膏
秋色欺蠻蠹天香鄙野醪南州炎德在薦爾咏離騷

仲春朔日

吳中風俗以二月二日踏青帶蓬蒿

傳說中和節江南二月初鄰家獻生子野老驗農書
水冷蒲猶短風輕柳未舒踏青明日是蒿綠定盈梳
雨中觀三茅山新開石龍泉其上正建玄帝殿
石窟何年闢雙龍尚此蟠已無銘識在多是劫灰殘
蟄候春雷啓泉當暮雨寒江山開勝地高拱玉虛壇

遊僊

蟠桃花發正當春青鳳書來更可人爲報麻姑消息

好于今東海又揚塵

曉度萬松嶺送別阮夫子江干蓋自兩浙移節

八閩也

五更山外客行稀
春霧松濤冷夾衣
入室未能知己
負攀轅無計恐相違
伏波兵馬勞南顧
橫海樓船望北歸
獨有棲棲門下士
寸心遙逐片颿飛

登澄江樓渺然有三島之思

萬里長江渺渺來
鳳皇山盡此樓開
潮平海口風雷靜
勢壓雲頭日月迴
丹服已除皆率土
荷衣欲振獨登臺
袖中白玉蓬萊信
應有僊人念劫灰

天真書院謁王新建像有感

間世東南傑英靈卜築存文章
回氣運勳業在乾坤
崇祀龜疇古瞻輝鳳德尊傳衣終下乘天祇復何言
遊天龍過龍華寺題天華菴壁

天龍曾此降龍華法座然燈映海霞
爲愛小山松徑僻一庭慧草襯慈花

度慈雲嶺小憩江湖偉觀亭

吳越從橫霸度恢慈雲峻嶺五丁開
梁朝歲月虛崖石宋室郊壇亦草萊
湖淨日涵明鏡出江空潮駕素車來
春風左右披襟帶安得登高作賦材

答柯大夫

來教索歲試之文深荷雅愛寔非有所靳也
第鄙性踈野初不善作時義而是日蚤起多
倦風雨瀟然絕無佳况東塗西抹董可守三
升之粟而已何足爲天上故人道者口號奉
復

裙布釵荆不入時愆期自媿卻歸遲強將塗抹爭春
態祇恐良媒也笑癡

上方寺

路自雲居落雙扉鏤竹陰不聞幽鳥語猶見上方心

贊玄亭

將相下樓船天書錫贊玄旂常開帶礪亭榭俯山川
鳳覽時難止鴻冥我自憐青雲卑驥尾非乏豫州鞭
以試事羈武林悵然不悅遂與諸少年散步六
橋看梅花

不到西湖將一月浮名虛絆亦何心也知雞肋非難
弃幸有鷗盟尚可尋簫鼓鏡中催日落綺羅堤上得
春深山人獨折梅花嗅醉倚東風玉樹林

二月八日生女賀內子

生女固非男門楣喜自添且須資楊瓦聊可慰慈嚴

此日徵虬夢他年協鳳占
芝蘭芽漸茁春色暈眉尖

春日後園雜興

淑氣園林宿草醒
忍教瘦齒踏青青
貧君幸好無車馬
春鳥頻啼戶正扃

冰霜歷盡暖纔回
畱得梅花此日開
便覺孤裘行可解
千金不惜換餘杯

送達禪師北遊因點僧兵故去天目

雙目山前猿亂啼
獨松關上虎同棲
箭鋒機事師全息
不與人間競鼓鼙

庭中紅梅將謝杏花正開適社日也

故栽紅杏間紅梅花發無須羯鼓催日暖社公殊可
意春分燕子復新來先一日春分粉榆烟淡孤村遠笑語
風流一樹開不用雷霆喧醉耳治蘄何必玉堂杯

春日醉起對花言懷

晝夜常醉夢春風來幾時睜眼日月昏但見花蒲枝
花笑而不言無廼笑我癡我醉我自好爾醉爾豈知
春色飲草木沈酒齊容姿飲爾以甘露灌爾以玄滋
紅者厭其醇白者舖其醅惟酒有厚薄故花有妍媸
不然量或異淺深適其宜醒者猶甲拆醅酊還離披
牡丹琴朝酣小桃凝燕脂梨花須洗粧梅酡暈生肌

秋菊以醉方楊妃及西施松醪中山美桂醪南州奇
黃柑醪洞庭青箬傾蕉鄂茅柴與桑落俱爲真一資
香或藉葡萄色亦因醪醪海棠睡未足楊柳眠起遲
春酒有玄味端不數瓊飴天地盡麴蘖不特糟丘池
聖人與賢人萬物時中之欲解萬物醒五斗不穀醫
醉來混沌死造化皆兒嬉問之于陽和默默無一辭
我獨何爲者不飲將何爲想我有生初酒星化能罷
秫米爲骨骼醪醪爲肝脾瓊漿爲精液玉殭爲膚皮
小名曰忘憂小字曰令儀素封曰歡伯此義當顧思
儀狄爲我傳杜康爲我師五齊及三物授法具在斯

長而覺有靈瓢杓恒不離乃圖玄石像乃立東臯祠
無論魯與趙得卽充漏卮乃笑山公拘何用者接羅
乃笑伯倫愚何用荷鋪隨非無千歲慮乾坤同盛衰
衆醉我獨醒能不婉湘纍感此便呼酌命花共一鳴
結爾木石交揚我塵埃眉花如再三笑爾癡難等夷
榮枯信醉醒爾言不我欺且今不爲樂一別經年期
起舞勸覆觴香逐影相追此意良不薄傾倒蒲四肢
頽然復頽然妻孥不能持山鳥啼一聲月過青竹籬
搖良臣攜酌舟中同遊妙行寺宿雲林精舍
桃花兩岸曉霞蒸溪上扁舟且共乘醉眼有情青似

柳春醪無量綠，
澗經年不到雲林地。
此日同尋竹院僧，
浴罷可能容入定。
一聲孤磬上寒燈。

昭慶寺訪翁子宿雷公蘭若

寥落湖邊寺，
高人此靜脩。
看山時掩卷，
聽雨獨凭樓。
鼓角春城近，
莓苔晚徑幽。
金蘭堪信宿，
何況贊公留。

燕天然圖畫閣得詩字

不必賣舟費，
登高興自長。
盤旋皆水石，
笑詠足壺觴。
二月陽春蒲，
雙峰罨畫張。
神遊歸去晚，
風送碧桃香。

寒食張壽成攜酌湖上野堂雨中晚別

能詩張子壽，
邀我醉湖濱。
啼鳥正當午，
飛花將送春。

淒淒寒食雨渺渺獨歸人
蓑笠螺溪上漁歌相和頻
清明同季叔遊寡山別墅

共來山舍試新烟
處處春陰過管絃
寒食清明行樂地
輕風細雨養花天
竹林家世因時異
小院聲名賴酒傳
籃輦正堪容倒載
不妨酩酊出池前

餐蓴羹有感

湘湖蓴菜股如釵
朝發江東及午齋
若待秋風絲已老
思歸張翰計全乖

種菰

臨水池塘半葑田
心如白玉厭庖羶
秋來蒲地彫胡

米堪作山中大百年

粉團花乃八僊花所接者

八僊名自好况益粉爲團一樹明水塚千房白玉儼

何郎珠汗濕合德露華乾百英粉事狼籍東風裏猶疑雪

滿闌

玉屑毬

玉屑毬者粉團花别名也花逾一圍藥各五

出千房萬戶簇而成毬色碧變白碎玉玲瓏

故田子實而命之昔牡丹有水晶毬之號菊

有玉毬之品皆狀其白也惜此花無香而少

嫵媚耳至其挺然玉立高潔凌霄則自擅偏
長又非他卉所能閼妍者不亦尤可重邪花
神有知自當笑領余言也

誰信春風巧裁成玉屑毵萬年齊壁樹百尺倚瓊樓
素質終隨月清標合占秋花神殊領畧飛雪亂觥籌
送人適楚

芳草萋萋柳絮飛關河春盡復傷離相思約我寄紅
豆別去憐君聞子規飄過洞庭雲渺渺夢回大柱月
遲遲遠遊恨不追行色且莫臨觴淚散絲

石澗燕搖良臣家

茗溪春水急小艇任流連暖日寒暄暮和風入管絃
交情何鄭重信宿且回還芍藥花開近重來泛酒船
月夜燕子秀兒花前

病中猶愛客更有酒如池罷郡年方壯投閒計已遲
月從梅樹轉席傍牡丹移待爾沈痾起春塘夢草時
文明伯翁招遊方山遂與子父登北臺絕頂

聞有圍棋約柴門去不關孤臺人罕到絕壁爾同攀
上下天垂地東南水浸山年才一登睡常恨未能閒
穀雨雨霽與內子由北山湖堤度風簫韻遊龍
井試茶一首

新霽淨堤沙。籃輿度落花。好山於路轉疎斜。受風斜。
爲試龍泓水。兼烹穀雨茶。惟君多隱志終卜此移家。
暮春西湖夜泛

別去曾無半月期。桃花零落我來遲。晴堤萍軟眠鷺。
鵝春澗芹香。掠鵲鷗三竺。雲谷連綺席。雙峰日影倒。
金卮柳絲千尺。縈蘭櫂。擊節狂呼不忍移。

東齋新移樓子牡丹盛開。蓋自去環翠堂不着。
花者已三年矣

亟返西湖棹。因懷小院花。三年今復盛。千朵昔曾夸。
刺王棲香露。飛樓簇綺霞。相憐忘寢食。惟以醉爲家。

牡丹既落不勝憐惜付之熏鑪殊覺風味偶闕
王建集正有可憐零落葉收取作香燒之句應
見好事之心古今所同也援筆有作

雨多花欲謝尚及洗朝醒
泥污吾何忍酥煎爾未平
氣同沈水永烟繞博山清
坐愛香竟返留春無限情
遊白霍山房看新生竹遂
赴樵良臣詩藥之會
與張壽成夜話一首

不負看花約還從訪竹來
牡丹同落鼻詩藥尚含胎
客至憐風雨春殘賴酒杯
聯牀方達曙遮莫管絃催
春盡日席上贈張惟懷開府

元戎四十鎮窮邊解印歸來又幾年
帳裏雅歌嘗却敵牀頭孤劒尚橫天
耽情詩酒因成癖卜築溪山學
種田不有主人長夜飲送春應負落花前

立夏聞新鶯

初夏才生綠樹陰不須歌鼓鬧春心
山人把酒憑闌久獨聽黃鸝囀好音

四月朔日于良臣宅賞芍藥名薔薇紅得薇字
信宿未能歸花開願不違春情畱芍藥露色染薔薇
韻僻因闔得觴輕似羽飛翻皆紅影亂重憶謝元暉
酒所自芍藥亦開迺曉妝新也至此已待六日

矣初願竟酬可以別去得新字

曾說廣陵三萬樹就中獨有曉妝新明霞掩映時歌
席香霧氤氳欲中人酒興自朝仍入暮客心驚夏尚
疑春溪頭見月頻回首誰折芳菲贈所親

品崑聽鶯

山人中酒十日矣絲竹之音徒塞耳歸來一枕睡正
酣曉窓忽被鶯催起濃綠閒庭日影移斗酒杖藜何
所之孤村桑柘暗行路蠶月閉門人靜時蒲林新筍
漸成竹苔草叢生入書屋暖風灌木變鳴禽更有倉
庚出幽谷衣染鶯黃濕未乾鳳笙調舌澁春寒乍來

乍去松陰亂半語半啼花意闌曉間關似求友不
覺枝頭雙坐久側身一擲金梭輕漠漠蒼烟隔垂柳
針砭鼓吹有此聲醉耳洗淨詩腸清若較孔家蛙兩
部合教秋水笑莊生

繰絲

屋角絲車夜半聲荒村重作避兵行城中舞袖新裁
錦誰識千絲萬縷情

書還

楊花如雪糝青苔日午柴扉半未開酒熟正當新筍
出書還猶是故人來去年歡心欲倒誰癡也
借還四癡醉

眼重醒獨快哉神物自歸殊有意禮羅不藉石生媒

四月十五對月

誰言春月好初夏更清和露氣明秋水雲容淡越羅
青山人事少綠樹夜情多遲爾樓西去金尊艷若何
許大叅子春一壑清冰樓燕集追憶令弟比部

子嘉僚丈一首

清水開一壑夏日此畱賓竹樹當階陰圖書接席陳
高陽城遇雨地名高陽巷閨苑鶴離塵有雙雀甚狎白玉樓何

處令人憶許詢

紅白葵花

紅者傾丹心白者挺素節共有向陽誠八尺軀自別
圓鑑禪師遠來山中有茶筍石衣之惠賦別兼
懷月松上人

立夏東天目人言雪滿坳何時飛錫杖特地到衡茅
有美山中物無如方外交團團明鏡啓智月在松梢
遊智果山居登巾子峰

披露陟厓居青林霽雨初山僧方出定茶筍久畱余
展榻湖光淨聞香世慮虛巾峰重極目海宇正扶輿
登初陽臺

僊翁何處去此地有瑤臺海日凌空上山人與客來

卷十五
十五
露華清思逼塵世好懷開欲跨青田崔因之遍九垓

白榴花

曾聞安石國萬里獻丹枝別有塗林種應從雪嶺移
縞衣乘月下素萼任風披長夏如水潔偏宜對玉卮

梅雨

梅入江南潤氣多琴書無奈濕侵何偶乘醉日教栽
竹更避田痕試插禾時事百年真浪漫風塵千里尚
干戈索居賴有高陽伴好酒還能舊雨過

庭鷺

白鷺解人意清標豈凡禽秦君階除下終有雲水心

戒酒卽日復開禁

終朝爲酒困終夜不安寢發忿指天誓今日定斷飲
自卯未過午但啜茶數杯神情頓索然面色如死灰
山妻驚且嗔撫掌復長笑爾今何其癡忍絕杯中妙
速具一斛酒爲我解禁符我言誓在耳頃刻焉可渝
山妻拜天祝渝誓妾之罪勸爾第飲之醉往不足悔
酒香宜鼻觀未飲涎已流爾言良可聽何惜病糟丘
甘爲李白妻絕勝劉伶婦共爾入醉鄉醉鄉堪白首

下客嘆

上客黃金多主人肅客入下客金不多主人情不及

主人非愛客愛爾多黃金嗟哉市道交不獨商賈心

夏日閒居

雀銜細草入虛櫺燕逐幽虫哺小雛睡起不知書卷
落綠陰滿地日將晡

題畫

茅亭高敞曲江隈樹樹桃花照水開石鼎斷烟茶正
熟扁舟恰有故人來

一堤芳草入湖心雨後雲生碧樹林寒騎尋詩歸較
晚松花落盡滿庭陰

面面朱闌映綠波素琴橫膝意如何高山流水誰能

解笑殺巴人下俚歌

畫樓春鏤繡玲瓏柳葉樨根競曉風何處踏書雙下
勤多情回首萬花中

橫塘疎木小村幽蘆荻蕭蕭湖水秋忽憶舊遊心萬
里廿年詩思在孤舟

雨霽山中有懷張時乘姚子元徐後伯諸舊遊
雨過園林此漫遊半村殘照小山幽或來或去鳥雙
逐向北向南溪亂流海上征徭悲積歲湖邊詩酒憶
同儔忍將紈扇旋拋却爲有松風直似秋

送岑學諭之任新淦

讀書臺繞象江流君去重逢王笥秋不道西湖明月
夜有人清夢到嘉州

送金華潘子思明北上司馬

海上誰能卷白波故人投筆事橫戈少年文武堪華
國奕世勲名屬帶河暮雨一軒憐蔚豹秋風萬里振
靈鼉共夸潘美封侯骨更向轅門和凱歌

送郡博朱先生之崑山

昔聞朱博士折角陋群儒天子勞司矩諸生媿反隅
文華原楚粵教法舊蘇湖去辨崑山玉當知與石俱
徐文卿同潤卿兄攜酒酌暎湖小樓

主人攜酒小樓開，狂客溪頭醉未回。
二妙不辭湖上待，素娥還向月中來。
新城鼓角秋聲迥，靜夜風湍涼思催。
消渴正需花露飲，八窓無暑玉山頽。

邵正夫來訪兼索嘉茗

酷暑煩交接，君來自可人。
不惟先世友，况復內家親。
共有茶泉癖，當分穀雨春。
品畧雅興蘭棹，莫辭頻朝雨乍歇。
尋涼下雲居寺觀西湖諸山如出新。
沐不復知有炎暑也，率爾成句。

曠野難爲暑，何堪在會城。
山房新過雨，禪榻有餘清。
踈滴松杉淨，微涼葛苧輕。
兩峰雲散後，猶有斷虹明。

立秋郊居畢夫子有秣陵之命將行有作

亢旱悲殘夏新涼喜立秋簾櫳深樹靜風雨小山幽
綠水平苗眼烏犍放隴頭夜來田野夢重繞帝王州

上總督胡相公

轅門日射五方旌甲騎無聲細柳營不惜千金酬駿
骨更容長揖待諸生風行海外妖氛淨春蒲江南泰
運平勒石自須班固筆胥山萬古讓雄名

北關舟中夜雨

媿乏蓬桑志聊爲汗漫遊關津方此夜風雨况孤舟
農事從村婦機心共海鷗不愁殘暑在正及五湖秋

阻雨復入雲居寺信宿而行

秋來臨水復登山興在玄中方外間
松樹重重茅屋下老僧分榻聽潺湲

崇德夜行

偶逢秋甲子宿雨喜新晴已慰疲農望
尤宜遠客情舟乘風益迅月映水還明
城郭傷殘後淒涼蟋蟀聲西麗橋觀月

西麗鑲騰波南湖漾晴月蕭瑟秋意涼
令人自超越中元日與張瑩中泛鴛鴦湖
登烟雨樓酬贈

張衡能作賦白下此同遊客裏中元日
城南一葉舟

鴛鴦湖面侶烟雨水心樓三復蘭言罷清飈起素秋

平望

十室凋零九不存荒涼雞犬自成村溪邊多少沈沙骨
夜雨瀟瀟泣怨冤

步垂虹橋謁三忠祠還眺鱸鄉亭有感

四顧海天空晴波卧彩虹清風師百世白日貫三忠
鳳鳥時難至鱸魚思不同因之懷出處宇宙酒杯中

吳江登華嚴塔絕頂望洞庭七十二峰

曾憶垂髫向此來身如飛鳥上崔嵬自矜雙足輕猶
健更喜新秋霽欲開點點風颿歸笠澤依依烟樹接

蘇臺直須縹緲峰頭望謾有登高作賦才

胥門對月

不到姑蘇二十年繁華城郭近瀟然已驚孤枕搖風
浪何意寒釐傍客船震澤正宜秋歛灩胥門初見月
團圓明朝更解龍泓茗試品王珣宅畔泉

訪禮部陸子傳以遊石湖不遇次日有贈

高人雅志在林泉解組歸來及壯年魯望聲名夸奕
世石湖踪跡讓飛僊宦情似水真過淡詩思經秋更
入玄花樹滿庭風習習欲從崔駕謝塵緣

蘇臺懷古

姑蘇臺上花滿枝姑蘇臺下春風吹吳王花底開春
燕坐中惟有西家施舞低白日明月起萬歲千秋願
如此不知會稽卧薪人六軍已渡吳江水西子五湖
難重期姑蘇臺空遊鹿麋獨憐昔日圖王者曾斬隊
中雙愛姬

閶門浮橋步月

寒山鐘遠秋聲靜閶闔風微暑氣和三百九十橋上
月浮橋南去夜情多

訪周公瑕值遊安吉不遇徘徊題壁

僊居無滯轍浪跡又他鄉雀使供茶椀魚書付草堂

有曹先生附信臨風懷玉樹出郭覽瓊芳想得歸來日新詩
定滿囊

由寒山寺易小舟遊虎丘山一首

已向寒山訪舊遊楓橋行復買扁舟層雲閣雨畱詞
客虛塔凌空豁醉眸試劍石邊初落葉可中亭上不
勝秋品泉又報茶將熟忘却歸橈古渡頭

汲第三泉煮龍泓茶

品嘗琴逸士恢復美名流

品于陸鴻漸復于王濟之

苦茗惟龍井

甘泉况虎丘香生巖桂雨影落海山秋何自盧仝癖
清風董士甌

望亭待月有懷故園

許墅正逢朝雨歇望亭遙見晚霞開
一龕渙火江邊出十幅蒲颿天際來
壯志不孤千里興遠遊深媿四方材
遲遲待得篷窗月應照鄉山桂子臺

遊惠山寺睨白雲堂汲第二泉煮天目山茶因

題石壁

買棹訪山家沿洄柳岸斜磴危青蘚合
堂迥白雲遮陸羽亭心水昭明谷口茶
肯因王後誚畱待野人夸錫山謁張中
丞顯忠祠飲靈泉感時有作

白日青天獨有公千秋猶自仰孤忠
亂離幾見江淮

地慷慨重思保障功祠壓錫山來寵命我朝有御祭碑氣吞
笠澤起英風靈泉共說能捐疾願濟蒼生苦海中

遊王婆墩眺水心樓口占

黃公壚頭醉未起又向王婆墩上來萬艇盡從樓下
泊八窓如在鏡中開

延陵謁吳季子祠

讓周稱泰伯君復嗣清風峻節危邦見明裡故里崇
審音惟妙解挂劍有深衷百世能興起箕山仰止同

呂城卽事

呂城去江口甚近昔爲吳將呂蒙屯兵拒魏

之所遺址尚存故老言邇者海夷入寇蓋由
此道始信古人設備必據其要以防其衝也
感慨有作

阿蒙吳下士詭計襲荊州問鼎宜先操連衡誤絕劉
草深荒戍晚蟬噪古城秋江口今凋敝令人憶壯猷
丹陽道中

七月丹陽道西風白土村解鞍逢亂澗喚客有污尊
禾黍勤民業山川拱帝藩興王原近輔觀國夢思存
何容有懷茅山

望裏神都近何愁去路賒涼因秋却暑倦以醉爲家

碧草聯驕騎紅妝接小車茅山清不極逸興寄烟霞
金陵覽勝

六朝曾此共偏安聖祖開基王氣完自識文謨并
武烈無論虎踞與龍蟠秋風苑樹旌旗色曉日宮城
侍從官千載幽燕重奠圉兩京欲賦魏材難

謁孝陵

皇祖超千古龍飛泣鼎成洪荒逢再闢日月慶重明
遏樂悲當世遺弓感舊京夕陽松柏下不盡草萊情
獻兵部張尚書太子

自別龍門二八秋雲泥無路思悠悠九重宵旰紆

南顧萬里江山鎮上游文運已開張道濟兵機只有
漢留侯少年落鳬慙相負彈鋏誰憐在帝州

雞鳴山晚眺

山勢壓宮牆逶迤繞畫廊萬家開瑞靄雙闕鎖斜陽
吳楚平蕪接秦淮古道長秋風吹旅思極目幾江鄉

贈武進薛夫子

東南佳麗屬金陵况有南金四海稱

薛五雋

闕黨昔年

曾與進龍門今日更容登到來治績夸延智老去詩
材陋薛能自笑坐忘緣底事秋心長對玉壺冰

靈谷松徑觀鹿因鼓掌琵琶街濯八功德水

宸章輝寶刹第一此禪林曲徑藏秋色深松落午陰
僧隨麋鹿隊泉應琵琶音試解塵纓濯彌清物外心
訪董宗相可遠畱燕官舍

風雨滯京華悲秋漫自嗟相逢俱是客一見即爲家
董相帷深下吳姬酒易賒東鄰歌吹發落盡紫薇花
登報恩塔有感

成祖龍興遷上國天恩欲報重畱都市朝俯據山形
近日月高懸塔影孤繼述百年知達孝登臨千載見
雄圖縱橫六代皆塵土惟有長江尚壑吳

趙戚里承序招燕輕烟樓

平原公子本翩翩才美人稱治世賢已許置郵迎下
客更教選地列華筵萬花叢裏同長夜六博場中晁
少年江北江南情目好忍令馬首各風烟時趙子將赴鉅野
夜燕張大司馬公署

夫子開東閣諸生與末賓通家恩獨厚負笈誼尤親
酒對三更月詩談八座春明朝天闕遠策馬欲沾巾
林廷平孔承見訪不遇晚集官舍贈別

旅舍停驂獨坐深廿年不負故人心清風短榻渾如
水斜日疎簾漫作陰矢棘自無煩摘發甘棠久已動
謳吟尊米盡南雲斷惆悵金陵玉樹林

答薛夫子贈別之作

焚却銀魚便不羣
門前問字客如雲
驪黃已盡江南
王虎豹重懷塞北軍
田布自慚承素業
侯芭烏足與
玄文殷勤杯酒秦
淮上短笛西風別路分

將發金陵畱別國學諸親友

他鄉無伴侶
願有故鄉親
本是西湖彥
俱爲南國賓
壺觴堪累日
談笑總宜春
白下亭前柳
蕭蕭落葉頻

淳化晚行

薄暮秦淮曲
行行遠帶畿
感時驚白露
作客想寒衣
疲馬妨泥沒
哀鴻帶雨飛
據鞍聊短夢
已向故山歸

曉集陸子傳宅兼會周公瑕留別一首

別去露已白重來眼倍青草堂簾未捲檀閣火初醒
陸子雲間彥周郎江左靈誰能辭一醉明日又長亭
途申夢子久有寄

到處鄉山感舊遊碧梧翠竹又經秋放歌水石人何
似流落江湖我自由風雨瀟瀟長短夢烟波渺渺一
孤舟南來不見賓鴻影尺素親裁付鴨頭

謁三高祠

瑟瑟西風送畫橈松陵亭上拜三高扁舟共有滄浪
興誰識知幾間世豪

夜行三塔灣書所見

養兵以衛民今反爲民害海寇尚有期官兵苦無賴
茫茫白龍潭近在嘉禾外客子未停舟夕陽半明昧
乃有漳州兵公然肆屠膾行李不復存創痍卧塵壒
挂體無寸絲拊膺向寒瀨我行聞哭聲蒼黃與之會
救援已無策爲之發長嘅嗟哉窮途人控訴且無奈
我本志山林朝夕足粗糲悔犯垂堂規輕身歷顛沛
微軀不足惜所憂在其大竭彼黎庶血養此市井僧
王師戒秋毫無戮車中蓋道理不恰遺名將此其最
豈無姑息恩不殺終不艾養兵苟如斯時事亦狼狽

不戢將自焚斯言寔著蔡號令率嬰見天下何由泰
使金陵回呈宗師畢夫子

銜命遙爲帝里遊五湖烟雨自扁舟宮牆幾度懸清
夢風物他鄉感素秋已卜大盈終屬魏更勞旌別且
匡周獨慙東鄙吹竽者得與公家十二樓

中秋對月

田璆元和癸巳中秋夕與羣僊會于嵩嶽

僊子說田璆曾爲嵩嶽遊竒踪夸問世佳節又中秋
月滿飛金粟河明界玉甌恐將三五夕容易下西樓
夜燕餘杭吳大尹公署會海寧董杏唐三君子
賢侯開雅燕鑲印及昏鴉幸廁三珠樹來看一縣花

玄襟同海嶽妙語自烟霞歌鼓遲明發相將各一涯
蔣子久攜榼來遊品品明日丘元夫復會飲于
可秋亭

薄遊千里外日夕夢雲岑何異孤棲鳥悠然返故林
共能供旨酒幾得聚同心不醉寧歸去亭中秋正深
同詠一首 蔣灼

有客回仙棹因余暢逸懷悠然品品興况以素朋偕
桑葉醉中落柳枝歌裏諧秋光恐遲暮連日過玄齋
徐二兄四兄來訪

遊子歸來日貧能具酒尊清秋雙玉樹返照一孤村

母黨原同氣兒曹復世燈京宵堪秉燭時事正難論
候官林河靈來訪別去天竺脩道

年少辭榮達悠然出世心坎離皆妙用山水有知音
剪燭當秋暮行舟落葉深西湖梅萼侶喜得舊時林
昌化曾大尹子均招飲夜分別于通濟橋上

能文曾子固二十蚤蜚聲攜宦來山邑飛鳬覲玉京
話深秋燭短酒渴晚溪清通濟橋頭月難爲醉後情
九月二十日鶯鶯梅花開喜程子清來訪

秋色遙遙白鴈來滿林紅葉覆蒼苔重陽籬不渾無
菊霜降庭前忽見梅斗酒每因佳客備匏尊聊對好

山開從來程子能傾蓋妙語俄忘落照催

孔子程子傾蓋終日

贈周伯化

萬里歸來日行歌又富春江城多霽色杯酒幾交親
余本三山客君爲四海人黿池周伯况更覺絕風塵

九月晦日富陽桂大尹仲行招燕城樓有贈

西樓醉倚興何長襟帶江山共一觴此日萬家開保障
我公三邑有金湯笑談客裏驚秋暮歌鼓天邊又夕陽
爲愛南州炎桂好周詩何獨頌甘棠

與華子珍周伯濟登觀山望江海一首

大江斜繞客星亭二妙同來極紫冥華嶠自懸南省

望周顒不規北山靈乾坤到處開千鶴書劍經年轉
似萍東去海門風正息十洲烟樹眼中青

小隱山下別周十四何二

寒衣驚節換客子復艱辛乘馬誰能借臨歧爾獨親
亂山逢落葉斜日懼歸人叔世情如此何須淚滿巾

月夜同蔣二登寡山觀藥師燈

登山曾約夕陽中扶醉重來火樹紅四十九燈然夜
月百千萬劫照虛空未參大智昏迷甚誰放清光上
下同回首長明村路啟猶聞鐘磬落西風

大智長明
皆禪燈也

同詠一首

蔣灼

偶約同群步晚烟
禪燈已向碧山然
如分海上三環樹
更簇峰頭十丈蓮
醉客倚雲歌赤壁
霜風吹月下青天
夜長遊燭何須秉
暫借餘光照綺筵

答長興李德華

記得雪中信期爲
玉女遊忽驚雞黍
約又過菊花秋客
棹經吳會風颿恨
石尤何時還載酒
沈醉箬溪頭曉起
望西山晴雪

往年曾在西天目
十月中旬雪滿峰
野客此時初護菊
山僧何處獨看松
不禁病骨頻添絮
自許茅簷亦耐冬
溪上二舟誰夜泛
新醪爲報有千鍾

酬方君符見懷之作兼憶留都戶部君敬令兄
誰遣雙魚慰別愁更因元若憶元修地曹幾枉郎官
駕雪夜番回處上舟秦望月高孤夢遠嚴陵潮落片
颿收南中見說天常暖歲暮何妨旅鴈遊

冬日盛二來遊品品留宿枕上兼示將二

斜日登山去霏談夜已深十年成遠別四海此同衾
倡婦歌金縷梅花照玉林挑燈酬夙約彌見歲寒心
庭菊紛披有懷聞汝鳴陳太質

庭菊忽凋殘霜風正作寒因思人似玉曾待月馮闌
歲晏稀良覲秋容不耐看一尊誰與覆飛雪灑琅玕

雪中得魚簡寄徐八翁

擁衾聞落葉飛雪覆茅茨溪上無舟楫磯邊理釣絲
仙翁應罷局暖閣定敲詩爲託雙魚去殷勤報遠思

解醒梅花下

解醒正及日搓西五斗油囊賴爾攜舉網雙提鱖縮
項浮船多劈蟹團臍指拍浮酒船事鄙哉儒仲何慙子達矣

劉伶却笑妻起舞梅花梢上月陶然不覺又如泥

和徐八翁困酒一首何曾愁犯卯每值醉過申

蓋深得酒中味者且遣釀師來故結句戲之

尤物最移人餘杭阿母春

餘杭酒最惡獨翁取阿母
壺百花泉釀酒風味最佳

扶頭重破卯病勝已淹辰墩上迷花屋鑪邊解葛巾
喜逢劉白墮殊恨未逡巡

沈子魁書來惠我石刻兼索鄙稿答贈因簡搖
雨化

射策十年君蚤達苦吟笑我欲何爲偶承風訊論心
日卻憶雲居聚首時薦福自傳金石刻考槃莫問澗
阿詩茗溪便是安溪權尊酒搖郎有故知

紅綠梅花

綠鬢詎假黛紅顏非資朱莫以貌色異而疑心腸殊
榦老雪亞砌香疎風翻幙左右暎洞酌臨行還踟躕

酬徐第之翁雪中招飲青霞杯之作來句羊羔
酒蟹眼湯真絕唱也故反而和之

裘帽籠頭帛疊裳王樓晴雪凍鴛鴦薰鑪慢藝龍涎
餅茗盃頻充蟹眼湯詩草疑去聲香風有韻梅花浮影
月生光去年此會行當續酒滿青霞喚窮娘

老去誰能逸興添風流對客幾掀顛暖回玉帳羊羔
酒寒辟金鋪鳥骨簾韋布著書稱笠澤籃輿有子荷
陶潛遙知雪霽茗溪上詩思憑凌九鎖尖

冬夜懷友

寒燈瘦影鬢髮衰酒醒更闌思不堪風雪此時淹客

棹壺觴何地盍朋簪
狼烟亂起陽初九
鴈信難來歲已三
我亦倦遊君萬里
夢中應唱望江南

雪夜與金太史徐秋官瑛集徐隱翁溪樓

朱樓深鎖峭寒生
歌舞當筵飲似鯨
見說雪花飛六出
不知戍角報三更
翰林老去詩無敵
法部新來政有聲
乘醉忍教車馬散
扁舟明發若爲情

雪中與姑蘇徐直言仁和顧惟質泛舟苕溪

半溪寒水浸孤城
載酒難逢泛雪行
紅袖喚來楊柳弱
白鷗飛去木蘭輕
曲江顧况曾懸望
瘴海徐申舊著名
演漾不愁村路暝
雙峰玉立向人明

刻田子戊午稿敘

仁和張袞撰

夫學有根源則枝流萬殊無不敷榮無不傾注尼父
曰吾道一以貫之文章之學亦不外此世之業舉子
者師訓友磨以咕嗶鉛槧爲榮身上策章而摘之句
而誦之其視登科取仕者若乞人之垂涎於殘瀝也
士有稽古學習古文行古道者則相與排且笑之曰
是不知務者也噫此可與俗士道也若余之學則業
從乎今而不泥於今志存乎古而不滯於古隨時變
化惟其所宜爲古文則可與韓柳爭驅爲詩律則可

與李杜齊軌爲舉業則前王後董不知誰爲之軒輊也余之爲此言舉國之人孰不以我爲狂其志與道與余合者其惟田子藝氏乎嘉靖歲戊午寔有司遴士之期凡士之習舉業者若拯焚溺勢如此其急也學之友有勸於子藝者曰子盍精而業乎田子曰余志在山水未暇也余知田子固謾言也學之師有勸於子藝者曰子盍往應試乎田子曰余志在詩酒未暇也余知田子又謾言也宗師畢公聞而進勉之曰子毋怠而棄余且強而試子藝曰衡也舉業且忘之既不暇亦未能也余知田子又謾言也何以知其然

也世知業今者不可以慕古而不知業古者更妙于
爲今也田子通士也其所遇非通人也故謾而應之
非得已也解田子之意者非余而誰也迨秋畢公強
田子試田子亦強就試試而竟弗第非田子之才果
優於古而不能爲今也詳有司之業又今之下者也
今之上者非群有司之所能知也勢也亦命也田子
於是更得以謾言自解曰余徜徉山水爾余放浪詩
酒爾果然舉業之不足以高人之歲且暮矣田子檢
其篋得賦若干篇古文若干篇詩若干篇以命余曰
子知我者也盍爲一言以敘之余將刻之以示世俗

之士俾世俗之士曰果然田子之業古而妨今也余
誠知田子者也既不得辭遂舉有原之學以告世俗
之士俾世俗之士曰果然田子之業非以古而妨今
也知乎此則雖詩賦古文亦田子之糟粕爾况舉業
乎况舉業乎

嘉靖三十七年冬十二月

香宇續集

戊午稿

吳越間田藝衡撰

賦

白鹿賦

有序

大明嘉靖三十七年之春總督軍務兵部右侍郎績溪胡公獲白鹿于浙江寧波之舟山敬獻之

天子以表瑞應維時文學小臣田藝衡觀而有感廼作賦曰

維千歲之瑞獸

抱朴子曰鹿壽千歲五百歲則色白

實

聖壽之休符

瑞應圖曰鹿能壽之獸黃帝時西王母使使乘白鹿獻白環之休符有金方也

既呈祥于金

今復來儀于海隅迺徵異族爰應靈圖貢無煩于重

譯獲匪用乎三驅充方物于王會表德政于神輸禮

斗威儀曰君乘水王其政和平則北海輸白鹿方其生也精稟瑤光春秋運

瑤光散而為鹿曆逾五百列仙傳曰鹿千年為蒼鹿五百年化白鹿高挺仙姿潤

鍾王澤孝道至而光輝瑞應圖鹿五色光輝王者孝道則至法度承而

純白又王者承先聖法度無所遺失則白鹿來其所居也明海之渚舟山

之巔洪濤卷地翠嶠參天際坤輿于無外被皇風

之至玄瞻中林之碩碩詩桑柔曰瞻彼中林碩碩其鹿樂野苹之芊

芊詩曰呦呦鹿鳴食野之苹濯濯皓月呦呦紫烟或騰或倚楚詞

雜樹頽草薺靡白載蹕載騫韋應物園鹿詩偕虞人

鹿甯麋或騰或倚

而效順望靈囿而取憐其為狀也鷹鷹其群詩曰鷹鷹

伎伎其足詩曰源斯之雪毳含暉霜毫出浴潔若凝

冰素如琢王攸伏青莎之叢走險瓊嵯之麓質皎皎

而不緇貌斐斐而不觸是以賞異山海之經山海經

山多白鹿揚奇樂府之曲樂府曰白鹿乃白以示其正色

鹿以嘉其景福殷仲堪上白鹿表色寧縣青水山得

王母獻環于軒轅菹臺迁乘于周穆穆天子傳曰征

遷乘平王因之而名原辛氏曰白鹿原周齊景逐之

而受祝韓詩外傳曰齊景公逐白鹿畝丘封人曰若

夫漢武薦王侯之璧史記曰武帝以白鹿皮方尺綵

為幣晉成辨元鼎之牌餘千白鹿人傳千歲成帝捕

年江延光並見千畿輔漢延光白鹿見扶風穎川壽昌近獲于御

堦唐元和壽昌茲雖場非町疇詩曰町疇鹿場實維祠應江

淮運斗樞曰江淮不祠亦有乘李下之伯陽李母碑

乘白鹿下從華山之玉女列仙傳曰魯女生入華山

託于李母後漢書曰弘為臨淮與陶淡而為侶

夾鄭弘以行春太守行春白鹿挾鞍

晉中興書曰淡得白鹿子馴李勣隱

養之常與往還後俱不還家洞表匡廬之賢李勣隱

一名洞詩著荆門之序袁崧白鹿詩序曰荆門山一

曾何事手拚角顧標枝而容與未若鳥獸咸若川嶽

效珍振鳴求友楚詞曰鹿鳴求其友感德來馴兆遠夷之歸化

訖聲教于海濱金象銷而干戈偃日祿適而荒服賓
永萬壽于無極占休命之用申禎符國史驩洽詞臣
慶周雅之三奏同率舞于 楓宸

楚國幸章華臺觀美人博奕賦 有敘

二月十二日漏下三鼓余夢登高臺見美女
如雲競爲博奕之戲有袞衣者上坐召余賦
之爰泠此題因循其傍一公曰此宋玉也亦
可同作竊而忘之乃記其畧云

南唐夢醒圖

二時餘龍春深鬢薄雲翹圍綠章華

之宮夢去三時餘金文六之枰決勝而笑語生香

歡而珮環矜寵

虱賦有敘

虱微虫也李商隱賦之有回多跖絕之嘆陸
龜蒙矯之有弃瘠涵腴之譏在王谿生固知
其一而未知其二在天隨子亦知其二而未
知其三者也乃作此篇以解其嘲且以告禪
中之人毋爲虱之所笑可也

何回何跖何瘠彼垢而聚此潔而無清斯纓濯
濁與足俱顧人自取以爲去趨噫垢乎潔乎虱乎何
誅